



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Immunitas Ecclesiastica.

urn:nbn:de:hbz:466:1-10421

Archiepiscopus est Iudex sui Suffraganei in aliquibus casibus: sed Itext. oquitur de conservatore, licet possit extendi etiam ad Iudicem, tu tamen succedente casu, & non constito de suspitione Suffraganei, dic, quod potest tunc esse Iudex.

IMMUNITAS ECCLESIASTICA.

PRIMO, circa fugientes ad ipsam Ecclesiam, an possint capi, & an requiratur Episcopi licentia, vide Boer. *decis.* 109. & qui non gaudeant hac immunitate, *ibidem numero 5: & decis.* 100. ubi habet etiam in quibusdam casibus posse sacerdotem avelli ab altari, nisi sacrum inceperit facere, vide Capyc. *c. inter alia, de immunit. Eccles.* vide Bullam Honorii Papae positam *in fine hujus operis, ca. 3.*

Secundo, palatium Episcopi gaudet immunitate hac, Guid. Pap. *q. 121. num. 4.* Zabarella *in Clem. 1. de pœnit. & remiss. c. ad constituimus, 17. q. 4.* quod valet si palatium Episcopi sit constructum intra quadraginta Matricis Ecclesiae passus, Covar. *lib. 2. num. 6. ca. 20. var. resol. ver. 4.* & Inno. *in c. inter alia, hoc tit.* Hospitalia etiam auctoritate Episcopi constructa habent hanc immunitatem, Covar. *n. 4. ver. 2.*

Tertio in casibus, in quibus delinquens non potest gaudere ista immunitate, prout *in c. inter alia, & Covar. loco cit. num. 7. §. 8.* Foller. *pract. crim. 2. par. num. 6.* ubi dicit, non posse, neque in casibus illis extrahi, sine licentia Episcopi,

& quia non potest extrahi, Episcopus si vult illam dare, debet uti hac clausula, seu cautela, ad evitandam irregularitatem, petens juramentum à Iudice, de servanda vita, & membris ipsius delinquentis, Guido Pap. *loco cit. num. 3. in fine, & dixi in versic. clericus, §. septimo, versic. circa tertium.*

Quarto, de ista immunitate, quoad praxim, & ut fiat bona apud tribunalia regia, videto Covar. *lib. 2. c. 20. per totum,* ubi habes, quod non solum illi qui excipiuntur *in d. c. inter alia,* non gaudent hac immunitate, sed nec assassini, nec qui homicidium proditorium commiserant, etiamsi mors inde non sit sequuta, Boer. *loc. cit. & c. sicut antiquitus, 17. q. 4.*

Quinto, an Ecclesia non consecrata, in qua divina celebrantur, & quid si ibi non celebrantur divina; vide Abb. *in Eccles. n. 1. & hoc tit.* & an Ecclesia interdicta; vide eund. *ibidem, n. 8.* ubi etiam habes de spatio Ecclesiae, quod gaudet hac immunitate, & Inno. *inc. inter alia, hoc tit. & Gemin. in ca. 1. ver. sed pœna, circa ult. de integritate restitu. lib. 6.* dicit Ecclesiam etiam non finitam ædificari, sed per impositionem primarii lapidis per Episcopum gaudere hac immunitate, licet non potuerit perfici, & ratio est, quia non potest ad humanos usus redire; & citat Hostiens. *in capitulo Ecclesia, hoc titulo.*

Sexto, circa immunitatem domorum Prælatorum, Religiosorum, & aliarum personarum Ecclesiasticarum, de non hospitando milites, & alios, vide Bullam Honor. Papae *in concordatis cum Rege Neapolitano, c. 4. quam habes in fi. operis.*

Septimò, circa hanc immunitatem ecclesiasticam multa satis largè concessit Sixtus V. quæ Gregor. reduxit ad terminos juris cõmuniis Bulla sua, Pontif. anno 1.

Octavò, an Clerici gaudeant hac immunitate, si confugiant ad Ecclesiam? Respondetur quòd sic, quia non sunt deterioris conditionis, quàm laici, ita Rom. Conf. 234.

Nonò, condemnatus, dum dicitur ad mortem, vel ad tritemes, si confugerit ad Ecclesiam, nihil ei prodest, Clar. q. 34. ver. *secum autem facit c. inter alia. hoc tit.*

Decimò, ista immunitas parum hodie est in usu, propter multiplicationem Ecclesiarum & delictorum, & scelerrum, quia daretur commoditas delinquendi. Clar. q. 30. in princ. sed debet intelligi juxta dictum cap. inter alia, & Covar. lib. 2. c. 20. nu. 7. §. 8. var. resol. & Boner. decis. 109.

Undecimò, pia loca sunt immunita ab onere hospitandi milites, ita & monasteria. Pius V. Bull. 118. qua incipit, *cum non sine*, & Bulla Honorii Papæ in concordatis cum Rege Neapolitano, c. 4.

Duodecimò, tamen Navar. in *Mat. c. 25. nu. 18.* admonet, nullo in loco servari immunitatem ecclesiasticam quoad confugientes, nisi quoad fines cæmeterii, fori, claustrorum, graduum, Sylv. in *ver. immunitas*, 3. §. 1.

Decimotertiò, Judex extrahens aliquem ab Ecclesia, non satisfacit, si dimittit illum liberum, sed debet eum restituere in pristinum locum, id est, in Ecclesiam Navar. conf. 1. de immunit. eccl.

alias subiacet pœnis in monitorio sibi facta à giudice ecclesiastico.

Decimoquartò, pœna extrahentis ab Ecclesia, de jure communi, non est excommunicatio latae sententiæ, sed venit excommunicandus, capi. *si quis contumax*, capit. *quisquis*. 17. q. 4.

Decimoquinto, & quod dictum est de locis sacris, idem de palatio Episcopi. Covar. lib. 2. cap. 20. n. 5. ver. 5. var. resol. Vide Clarum lib. 5. §. fin. q. 30.

INCLINATIO STELLARUM.

QUoniam hæc materia non satisfacit ad rem, eò maximè, quia sanctissimè addit Bullam Sixtus V. contra vaniloquia Astrologorum nativitatum, in qua omnem judicariam Astrologiam expellit, excepta Nauticâ, Medicâ, & Georgicâ, seu Agriculturâ, vide Abb. & annotationes ad ipsum in *c. ex tuarum, de sortileg.* ideo pro practica solum quædam attingam, ad hoc ut possint convinci interdum ab Ordinariis vanitates observantium supervacue hujusmodi astrorum constellationes.

Primò, cœlestia corpora non possunt esse causa per se operationum liberi arbitrii, & possunt ad hoc dispositivè inclinare, quatenus imprimunt in corpus humanum, & per consequens in vires sensitivas, quæ tamen obediunt rationi, sed nulla necessitas ex hoc imponitur libero arbitrio, D. Thom. 2. 2. q. 95. ar. 6. in corpore.

Secundo, impressiones corporum cœlestium indirectè, & per accidens ad intellectum, & rationem pertinere possunt,